

## Crapaud et la lutte des animaux

Ɖoo caanawó wɔɔjɔ ná, fanáńdi ríŋa kpátáá páyí wɔɔjɔ né, nge tugbára kokule, tónlóm, tónlóm, tónlóm, tónlóm. Tɔɔ, bidée sááti né, fanáńdi ríŋa wánlóm. Buga Abóóboó waabaná wónduulím; bidée sááti báa weení wená idɛelú. Aboó, mínyi kí? «líŋ, dányi kí». Bidekée Serú yoo, Ajifóto wónjowúu niŋbáanı kutolíni-de bilé né. A baagurú kokule, na baríŋa beɔɔe, bándalú né, na umú idánlóm, na ibó wóngoɔm tuwú-de, fanáńdi ríŋa ilú.

A baalú bité kpátáá ge belé baaya ɔamá, na umú ikóni kokule-daá iriké wánnyaá wónzuú, wánnyaá wónzuú, wánnyaá wónzuú háli uríŋa inúúdi. A woonúúdi ge budé né, tɔɔ na ikágurú, si ikógbɔɔ ɔaána níbááwu né, wángamám yéńdi ge. Idisi ma án, idée yéńdi ge sɔsi:

*Amámáta kóliyóo musɔɔ, míśɔɔ*

*Amámáta kóliyóo musɔɔ, míśɔɔ*

*Mána Náwu ɔáálú, musɔɔ, míśɔɔ*

*Mána Túu ɔáálú, musɔɔ, míśɔɔ*

*Naáru takú iká, musɔɔ, míśɔɔ*

*Nuzi ma lím yóó, musɔɔ, míśɔɔ.....*

Na alú isúu ɔáŋ, na ilé ibó ifúńjáa ɔáázi idu nimíni, ituú lím bibá bulára, si katála né, oo, ilé wánɔúú iselí isuuná sɔɔwú-daá, ibée tulaarí itósi, ibée pɔpɔwú itíni, anhán, hiiye kífalú-tóm wená amuzé? Na aboo isúu sɔɔwú-daá kɔɔ, kɔsáŋ kinovɔbízi na biríŋa.

Aayí, kiivé né, nge waadákúrú; isi aa, tɔɔ, meɔɔelú, sinje kolule kelé kɔwe. Nge wɔɔɔkpɔwú níbááwu. Waadála né, Túúni na Nááni buwe bínzeliú ɔamá búnjowúu ade, bínzeliú ɔamá búnjowúu ade, bínzeliú ɔamá búnjowúu. Nge alú woovu yi bidée wíre. Alú woobó ijɔɔzée nyíidi kpómɔɔ ɔɔ ibeéna, ibeéna, ceení ilú, ceení ilú, idana iwaalú.

Belé baalú bité né ge sɔsi le ge mawaalú wɔɔgbɔɔná, sinje yáa idatlí ikóni cé. Budási né, si uŋmáti na isú né, waana iwaalú, wónduulí wónzuú, wónduulí wónzuú. Woodúúli idi isúu bité kpátáá né, nge keegbízi kadí. Si kɔkógbɔɔ níbááwu kekégbe né, nge alú waagága ikéde níbááwu ifúńdálí ɔaána. Nge Ajifótó waagágurú, nge waadákamám yéńdi :

*Amámáta kóliyóo, musɔɔ, míśɔɔ*

*Amámáta kóliyóo, musɔɔ, míśɔɔ*

*Mána Túu ɔáálú, musɔɔ, míśɔɔ*

*Mána Náwu ɔáálú musɔɔ, míśɔɔ*

*Naáru takú iká, musɔɔ, míśɔɔ*

*Nuzi ma lím yóó, musɔɔ, míśɔɔ...*

Tɔɔ, alú waadála né, ilé woodúú lím, lelemá waabá bínlarí, kaadála né, ijɔɔ sɔsi ɔoo níŋnáa alú wánvunduú lím wézelí wánzuunáa ke sɔɔwú-daá bilé né. Kaadála né, sɔsi kazuuná ma lím, ilé isi aayí, bo, megereŋe. Óo, nge ilé waajáŋ isuuná lím na gbégídi né, kagojuú-daá wáaa. Burɔ ge háli na sinje Abóobooyɔɔ ɔɔɔ kɔzáwu bilé, lelemá ge alú waaburúna yi.

A beedekíná ke, ndáná kánlí curím né..., lelemá-dée curím wánlu ku kɔɔɔzi bilé.

*TO NA BUTUÚ*